



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Septiceps Lvthervs, Vbique Sibi, Svis Scriptis contrarius,
in visitationem Saxoniam**

Cochlaeus, Johannes

Parisiis, 1564

De caeremoniis ritibúsq[ue] Ecclesiae, cap. 43.

urn:nbn:de:hbz:466:1-35803

DE CERIMONIIS.

his autem facilè intelliges (Illustrissime Princeps) quid iam pridem meritis sit Lutherus, & quàm deceat te, tantum ac tam honoratum Rom. Imperij membrum Principemque, bestiam hanc plus Turcicam, in totius Imperij ac patriæ cladè ignominiamque & adeò vltimum (quantum in ipsa est) exitium, fouere ac protegere: Cùm nullus sit, credo, inter omnes Suermeros, Sacramentarios & Anabaptistas, qui vel interfecti sunt, vel adhuc viuunt, quem non superet seditiosis scriptis sermonibusque Lutherus. Si ergo cæteros aut interficis, aut proscribis, quem ad vsum, aut in quem finem conseruas istum? Senties proculdubio tandem, qualem in sinu foueris serpentem hunc Regulum, quo nulla est hodie sub sole pestis nocentior.

De cærimoniis ritibusque Ecclesiæ.

CAPVT XLIII.

Q Vis, obsecro, sine tædio legat hinc tot leges ex legis huius Apostatæ? qui propria temeritate & impudentissimè veteres Cerimonias Ecclesiæ abrogauit, & nouas impudentissimè, nulla præditus autoritate præscribit. Quoties ait hic, debeat item debet item? Quem obligant tot leges eius vsque adeò nugaces & fatuæ? Si à nemine approbantur nec

In lib. V. si-
ta.

Ullum hominem ligant, quid frustrà promulgantur? Si velis (Illust. Princeps) has leges eius obseruari, cur eum cæteris in visitatione non adduxisti? An verebaris, ne populi tui in faciē ei resisterent, aliterq; eum prius docuisse monstrarent & conuincerent? At verecundiam hanc patiuntur nunc scripta eius, multo sanè latius & amplius, quam passura fuerat frons eius ferrea, & iampridem perfricta. Nam scripta diuulgantur in omnes, facies eius tuis tantum populis visa fuisset. Eo enim timore pallet ac premitur, vt ne ad vnum quidem passum pedēme latum, absque saluo cōductu, terras tuas egredi ausit. Si absque crimine est, vt nullo iure interfici queat, cur tanto pere timet? Si criminofus & infamis est (vt est) quid bonis viris & populis leges Ecclesiasticas præscribere tentat? Non enim ignorat, Episcopum, Diaconūque & Presbyterum sine crimine esse debere, vt sine scandalo præesse populo queant. Vanæ sunt igitur ac ridiculæ totius Visitationis Luthericæ leges, non solūm, quòd legifer criminofus & infamis est ac nulla præditus autoritate, sed etiā, quòd iisdem cōtrarias ante eas leges & fixit & refixit sæpissimè, arundo sanè leuissima, legifer stramineus, qui melius poneretur in arua, laruatus cucullo suo, ad exterrendas segetibus feras & aues, quàm vt præponatur populis aut Ecclesiis, ad ferendas nouas leges, quas antea reprobauit.

DE CERIMONIIS.

*In serm. de
Mose.*

Quid enim habes (Illust. Princeps) quod populis tuis respondeas, sic forte interrogantibus? Vbi scriptum est, vt omni die manè legamus tres Psalmos, & vesperè totidem, eosque vel Latinè vel Teuthonicè? Quæ scriptura iubet nos canere Magnificat? Quæ! Te Deum laudamus, aut Benedictus, aut Quicūque vult saluus esse, in vesperis? Quæ, item præcipit, vt Quarta, & Sexta feria potius prædicetur quàm aliis diebus? Qua scripturæ autoritate tenemur tot celebrare festa, in quibus manè Euangelium, vesperè X. præcepta prædicentur. Nónne docuit nos Mosi legibus, atque etiam X. præceptis non teneri? Et vbi habetur in scripturis tot leges de die dominica, quot non visitans visitator iste præscribit? Cur præcipit nunc, ne prædicetur contra Papam & Episcopos iniuriósè, quod ipsemet fecit & sepissimè, & iniuriósissimè? Vbi scriptum est, vt Christiani obseruēt hæc festa Natiuitatis Christi, Circūcisionis, Epiphaniæ, Paschatis, Ascensionis, Pentecostes, aut alia? Cur nunc vult, vt in festis celeberrimis Latinè caneretur Introitus, Gloria in excelsis, &c. Cùm iam aliquot annis docuerit Teuthonicè cantandum? Vbi denique scriptum habetur, vt funus comitentur facellanus & ædituus? Qua autoritate sic præcipit, & tam multa? Quis Papparum tot leges nobis dedit in omni vita sua, quot Lutherus intra mensem vnum in vno dat libro de Cerimoniis? Quot scribet postea, qui tam libenter

ac tam multa scribere solet? At docuit nos antea cauendum nobis esse à legibus traditionibusque & doctrinis hominum, & verbo Dei nihil addendum, nihil auferendum. Aut igitur ostendat nobis leges istas in scriptura diuina, aut permittat nobis de ipsis dicere omnia quod toties dixit & scripsit ipse de legibus Papæ & Conciliorum, nempe vt habeamus liberum arbitrium refutandi, & iudicandi leges & statuta eius, quia suspecta sunt, an ex Satana vel spiritu sancto, prodeant. Imò certissimè ex Satana, secundum propriam ipsius sententiam prodeunt. Ait enim, Quod in scripturis non habetur hoc plane Satanæ additamentum est. Et quod sine testimonio scripturarum est, ex Diabolo est. Et inter XII. facies Antichristi posuit festorum multiplicationem & iniquitatem, quam nouam & sceleratam faciem, faciem dixit, quod homines per ocium Deo seruire doceant. Et in Reformatione sua ad nobiles Germaniæ, voluit vt omnia festa abolerentur, exceptis diebus Dominicis. Quid, obsecro, ad ista respondeas (Illust. Princeps?) Qua honestate præcipere poteris populis tuis, vt abiiciant statuta & consuetudines antiquas Ecclesiæ & sanctorum patrum, ac Lutheri leges nouas quæ prioribus eius scriptis repugnant, & in diuinis literis non habentur, recipiant? Quis est Lutherus, vt eius legibus etiam si contrariæ & instabiles non essent, obediant? Quantò satius foret igitur, vt antiqua maio-

*In li. cōtra
Ambro. Ca.
tha.*

*In lib. de
abrogandæ
Missa.*

*In visione
Danielis.*

DE EXCOMMUNICATIONE.

rum nostrorum cōsuetudine, quietè & pacifi-
cè obtemperent populi tui statutis & ordina-
tionibus Ecclesiæ (quam Christus audiri præ-
cipit) & Rom. Pontificum Decretis, quos o-
uium Christi pastores tota per M. D. annos
agnoscit Ecclesia, quãdoquidem & Dominus
pastoris vocem vult audiri, & agnosci ab o-
uibus suis Ioan. x.

De excommunicatione.

CAPVT XLIIII.

QVanti fecerit multo tempore Excom-
municationem Lutherus, quis ignorat?
totus enim obsurduit ad eam, & surduit in ea,
absorptus ab ea: Ita vt in profundum pecca-
torum delapsus sic eam contempserit, vt pu-
blicè rogaret, ne vnquam absoluator. Et quã-
quã verbis nunc eam rursus doceat non con-
temnendã, re ipsa tamè adhuc cõténit, semper
in excommunicatione iacens absque pœniten-
tia, vt rectè dixerit de eo Ioannes in Apocalyp-
si, Qui sordet, sordescat adhuc. Ait nunc bo-
num fore, si pœna veræ & Christianæ excom-
municationis, de qua scriptũ est Matt. 18. non
prorsus aboleretur. Quis verò magis abole-
uit eam quã ipse, qui tam superbè eam cõtém-
nit, & Philippus eius, qui eam frigidum ful-
men vocat? Et ipse ad Nobiles Germaniæ
scribens voluit eiusmodi tonitrua, ac fulmina

*In execratio-
ne Bullæ.*

Apoc. 22.

In lib. Vifi.

*In Didymo
fauentino.*